



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvirgensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

Hund, Wiguleus

Monachii, 1620

Serenissimo Ac Illvstrissimo Principi Ac Domino, Domino Wilhelmo Comiti Palatino Rheni, ...

urn:nbn:de:hbz:466:1-13553



SERENISSIMO AC ILLVSTRISSIMO PRINCIPI

AC DOMINO, DOMINO WILHELMO COME
ti Palatino Rheni, vtriusq; Bauariæ Duci, Domino
suo clementissimo.



FFERO, SERENISSIME PRINCEPS, Metropolitim Salisburgensem, iam pridem à me promissam, opus quidem non meæ inuentionis, aut ex meo natum ingenio, sed ex probatissimis & grauissimis scriptis, maximè vero peruetultis Imperatorum, Regum ac Principum diplomatibus, & tabulis authenticis, fabulosis quorundam narrationibus resectis, syncera fide, magnaque diligentia, quantum per publica negotia licuit, per me collectum: continens Christianæ Religionis & Catholicæ fidei per Boariam ac finitimas prouincias prima quasi femina ac originem: item progressum, propagationem, & in hanc vsque diem conseruationem. Quæ quidem omnia secundum diuinam gratiam, cui merito, quicquid sumus, acceptum ferimus, vel cum primis tribuendum censeo erectioni, foundationi, & institutioni tot insignium Ecclesiarum, amplissimorum Episcopatum & Monasteriorum. Quorum præsules Rempublicam Christianam doctrina & virtute plantarunt, sudore & labore in eam, quam videmus, formam euexerunt, sanctioris vitæ exemplo, Deo incrementum dante, in hæc vsque secula promouerunt. Qua vigilantia, solertia & pietate non plebeiorum modò hominum sed nobilium quoque, quin & Principum, Regum, atque Imperatorum animos tanto in religionem Zelo, tanto in patriam amore inflammârunt, vt plerique magnam opum suarum partem, aliqui vniuersam substantiam, nonnulli cum bonis semetipsos quoque Deo in holocaustum obtulerint, sibi que de Mammona iniquitatis ami-

cos

cos, à quibus in æterna tabernacula deficientes reciperentur, comparare voluerunt. Ut mirum videri queat, quid quibusdam nostri seculi hominibus in mentem venient, ut hæc Religionis Catholicæ pia principia, solidaque ac firma fundamenta non labefactare solum, sed penitus abolere, & funditus euertere nitantur. Cum certum sit, sicut his rationibus & medijs Maiores nostri ad Christi fidem sunt conuersi: ita iis sublati & deleti, posteros in omnis generis errores, hærefes, veteremque adeò paganismum relapsuros. Cuiusrei non obscura præludia passim his periculosissimis temporibus conspiciamus & experimur.

Porro hæc quoque Historia plurima nobis Antiquitatum Germaniæ, præsertim amplissimi Boiorum olim regni, nunc autem Ducatus, luculentissimaque testimonia ob oculos ponit. Antiquitates dico non prisce illius seculi florentis adhuc Reipublicæ Romanæ in his partibus Imperij, (cuius inuestigationi plerique diu multumque insudarunt, qui tamen præter varias variorum opiniones & ambiguas coniecturas vix quicquam certitudinis assecuti videntur) sed medijs, ut ita dicam, temporis, quo fides Christiana apud nos cum sanctissimorum Pontificum studio ac consilio, tum etiam ope & præsidio maximorum Regum & Principum, plantari ac propagari cepit. Quorum stemmata, nomina, familiæ ac res præclare geste neuiquam tenebris inuolui, sed perpetuæ consecrati memoriæ, publicè summa cum laude prædicari; ac posteris ad imitationem ceu viua exempla proponi, meritissimè debent. Eorum vestigijs laudatissimi Maiores tui, præcipuè nostra ætate, pientissimæ memoriæ auus VVilhelmus, & pater Albertus prudentissimi, fortissimi, ac religiosissimi Principes, inhærentes, tam Ecclesias quam Ecclesiasticum ordinem in amplissima dititione sua defendere, prouincias suas ab hæresibus longè lateque serpentibus mundas, ac in Catholica religione integras conseruare, omnibus viribus studuerunt: quos tu non solum æquare, sed pia æmulatione superare contendis.

Accipe igitur Serenissime Princeps, sereno vultu Ecclesiasticam hanc Historiam, quæ ut spero currenti calcar addet, & tuo patrocinio suffulta, non indigna videbitur, quæ à viris Catholicis, Religionis, Patriæ, ac Antiquitatis studiosis eò libentius legatur. Omnipotens Deus te cum vniuersa tua posteritate, ad

